

کتاب طیب

اون بش کونده بر نشر اولنور دینی ، علمی مجموعه اسلامیه در

صاحب و مدیر مسئولی

ابو العلاء زین العابدین

تاریخ تأسیسی


۱۳۳۰

عدد : ۱۱ ۲۸ شوال سنه ۱۳۳۰ پنجشنبه ۲۷ ایلول ۱۳۲۸ برنجی جلد

مقیم بولدینی قوناغه کتمک اوزره مهیا ایتیش ، بن عودت ایتک ایستدمسده قویورمدی ، الحاح واصرارینه مبنی برلکده پاشانک اوتوردینی قوناغه کتدک ، بی پاشایه تقدیم ایله برابر اثناء مصاحبتده بر مکتوبجیلکه تعیینم خصوصنی اچدی . پاشا : قوصوه مکتوبجیلکی آچیقدر ، اورایه انها ایدهلم بیوردی . بن بو عنایت نا کهظهوره تشکرله برابر او وقتکی فکر مخصوصه کوره کویا اصول ادارهده رسوخ ومارسه پیدا ایتک ایچون برملکده قائممقاملغنه طالب اولدیغمی عرض ایتدم . پاشا : پک اعلی اولور دیدکدن صکره بالتصادف یاننده بولنان نظارت مستشارینه دونوب زره لری اچیقدر دیه سوردی . عربستانده چوله قریب بر محل خبر ویردی . جودت پاشا تبسم ایدرک اوراسی رکوب و نزوله حرب و ضربه مقتدر بر قائممقام ایستر دیمسی اوزرینه مستشار اقشهری سویلسیله پاشا : تام مناسبدر دیدی و محرر فقیره بر التفات مطایبه کارانه اولمق اوزره : خواجه نصرالدین مرحومک پارلاق مناقبتدن ایسترز بیوردی . هر اثری علم و فضیلتنه برهان جلی اولان جودت پاشانک علامه زمان اولدیغنه دائر اعتقادم اوکونکی ملاقاتدن عین الیقین درجه سنه اعتلا ایلدی . .

[مابعدی وار]

برکت زاده اسماعیل حق



اجتماعی دردلریمزدن ازدواج مسئله مهمه سی

برمت ، بیکلرجه ، ملیونلرجه عائله لک طوبیلا نهمسندن حصوله کلش برهیئت اجتماعی در . بویله برهیئت اجتماعی نك بقای حیات وادامه شوکتی ایسه هیئتی تشکیل ایدن عائله لک احوالیله علاقه داردر . کرچه بوخصوصده تاریخی سیاسی داها بر چوق عامللر وارسده عوامل مذکوریه بی تولید ویا تأثیرلرینی تزید و تنقیص ایدن مؤثرک بالخاصه احوال اجتماعی اولدینی شبهه سزدر .

دینچ ، آهنگدار و مسمود عنصرلردن یعنی عائله لردن مرکب اولان برملت محنة جدالده

دائماً مظهر غلبه اولور . تمثال بقاسی نسیم ظفرله موجه دار اولان ملت هرکون دهاا سریع برخطوه ایله ترقیه دوغری ایلریلر .

مفسخ ، آهنگسز سفیل کوملرک تجمعندن حصوله کلن بریغین ، ماضیمی ، شان وشرفی هر نه اولورسه اولسون ؛ صدمات روز کارله ییقیلیر ، محو و مضمحل اولور .

تاریخ بی امان انصافسز لایغله بوکتهله منقرضیه برقاج سطرلق برقصیده ، برقاج صحیفه لک برحیصه تنقید تخصیص ایتمکله اکتفا ایدر و بونکله وظیفه سنی اکیال ایتمش اولور .

نموت ، یاشامق حقنی غائب ایدن ملترله تاریخ بیلله نظر مرحتنی فیلا تمقدن استنکاف ایدر .

اوکا اخلافک نظر شفقتنی جالب ایده جک اوزون برداستان فلاکت یازمه جغه ؛ بی انصافانه ؛ ستونلر طولوسی انتقادلر ، تعریضلر ، بلکه نفرینلر تخصیص ایتمکدن چکینمز .

ملترک اجتماعی تکاملاری ، اقتصادی موقعلری ، سیاسی سطوتلری او ملترلری تشکیل ایدن عالئلرک رفاه و سعادتلری ، آهنگ و سجه لریله قائمدر .

آشیانه عائله نه قدر رفاه آمیز ، نه درجه انحراف بخش اولورسه کشور سلطنت ده اونستده شکیمه دار شوکت اوله بیلور . بالعکس ، سفالت و فلاکت ایچنده پویان اولان یریشان و آهنگسز عالئلرک محنته سفالتی اولان برملکت ایسه واسع و ایصسز بر خرابه زار منظره سندن باشقه برشی عرض ایده من .

عائله منسوب اولدقلری ملترک برر انمودجی کبیدرلر . عائله ، ملتک سجایاسنی کوستیرر کوچوک مقیاسده حقیق بر اورنکدر .

جیلیز ، عاجز و سفیل عالئلردن ترکب ایدن ملترلر ساحه ترقیده آهنگدار و متین خطوملرله - ممکن دکل - ایلریله مزلر . تیرهک آیاقلر ، لرزه دار عضله لرله آتیلان هر آدمیم یاقه قمری رجعتلرله نتیجه لیر یاخود برالجغه صابلا نهرق ابدیاً توقفه محکوم قالیر .

هیچ اونوتما لیدرکه رفاه ملی هیئت ترکیب ایدن عالئلرک سعادتلریله متناسبدر . برملتی تشکیل ایدن عالئلرک طرز حیاتلری معقول و آهنگدار برصورتده تنظیم ایدلرزه سعادت عمومی نك تحت تأمیننه آلنه بیله چکنه هیچده احتمال و بریله من .

عائله حیاتی نه صورتله تنظیم ونه یولده آهنگدار برحاله افراغ ایدیله بیلیر ؟ ..!

حيات عائله نك ركن اساسيى ازدواجدر ، ازدواجلر نه قدر طبيعي ، نه درجه صميمي اساسلره استناد ايدرسه حيات عائله ده اونستنده آهنگدار اولور .

ايمارلامه ازدواجلرك ؛ بي حضور و آرام گذران ايدن محدود بر زماندن سوكره ؛ اكثريا افتراقله نتيجه لندكلرينه دائر محيط اجتماعيمزده هركون بيكلرجه فجييع وقعه لر كوريلوب ايشيدليورمي ؟

بعض اسباب وملاحظات نجيانه ميني ايشي افتراقله نتيجه لنديرميرك - اولونجه يه قدر - دوزخي برحياته قاتلانان بدبختلرده آز دكلدر .

سوكره دن اويدورلمش بدعتلر ، معناسز عنعنهلره مسئله ازدواجي بك عجيپ برشكله سوقش اولان كوره نكلرك دين نامنه اضافه ايدللمرينه نه قدر تأسف ايدلسه بجادر .

شريعت احديه نك ازدواج حقنده كي وصاياسي بك ساده ، بك معقول و صوك درجه واضح اولديني ، بالخاصه كفو مسئله سنه و بريان اهميت قوانين اجتماعيه نك ال يوكسك برنسبيلرينه مستند بولنديني حالده بوكون مسلمانلر آره سنده تعمم ايتمش اولان عرفلرك بويولده كي وصاياسي عاليه اصلا توافقي ايتدكلريني كمال حيرت و تأثرله كوريبورز .

نسبتسز ازدواجلر دائما يا عقامته محكوم قالير و يا خود سقائله نتيجه ليرلر . عرفانا ، نجابتا ، ثروتا ، اخلاقا ، سنا بر برلرينك كفولري اوليان ايكي قلب آره سنده برصميميت اويا نه جفته قانع اولمق بك قابا برحماقت اولور .

اعتيادات ، عنعنات ، خلقيات و عرفانجه بر برلرينك كفولري اوله مين جنسينك عائله تشكيل ايتك اوزره بر خانه يه قابلدملري سعدى مرحومك طوطي ايله قارغه حكايه سنه نظيره يامقدن باشقه نه اوله بيلير . عائله لك حياتي ايچين ايچين كيرن شي معناسز كوره نكلر ، مناسبتر عنعنهلردر .

بو عنعنلر ، او كوره نكلر تحت تأثيرنده وقوعبولان ازدواجلرك بالآخره آلدقلى فجييع شكللر هر صاحب وجدانه اشكابه خونين دوكديرمك ايچون كافيدر .

ايمارلامه ازدواج عالم اسلامده يالكز تركلره مخصوص بر عنعنه در هيچ بر شيشه وقولري اولديني حالده كونك برنده نكاحلانش اولدقلى حيرتله خبر آلان ايكي كنچ قلب آره سنده بيلمك نه كي بر قوت صميمي وزوال ناپذير بر رابطه توليد ايدم بيلير . عقدى اجرا ايدنلر كندى آرزولردن ، كندى منفعتلردن ، كندى دوشونجه لردن زياده

توحيد ايمك ايسته دكاري ايكي بدبختك يكدبكرلرينه هرخصوصده كفو اوله بيلوب اوله ميه جقلريني ، بربرليه امتزاج ايدوب ايدميه جكلريني نظر اعتباره آللري ايجاب ايتزمي ؟

بوتون برعائله نك فلاكت ويا سعادت ايدميه سي انتاج ايدميه جك برعائله نك حلنه يالكتر بر فكر خوداندوشي سائقه سيله تشبث ايمكه جرأت ايدن وليلر ، نشينلرندن اول بر لحظه حضور وجدانده وقفه كير تفكر اولميدرلر .

ازدواج ، مادام الحيات يكدبكرلرينك صديق و وفاكاري اولق ، بربرلرينك سعادت و فلاكتلرندن حصه دار بولمق اوزره جنسين آرمسند ياييلان بر مقاوله ديمك اولديفنندن هرايكي طرفك ده بومقاوله يه رعائتكار اوله بيله جك مزاياني جامع و بربرلرينك هرخصوصده كفولري بولمقاري اقتضا ايدر . علم كيميا بزه كوسترييوركه ايكي جسمك امتزاج ايدميه بيلمه سي بهمه حال اوجسملر آرمسند برعلاقه نك ، برمناسبت كيميويه نك بولمسنه متوقفدر . ايكي عنصرك اتحاد ايدميه بيلمه سي ايجون بوشرطك وجودينه لزوم قطعي وارددر . مقتدر بر كيميا كر امتزاج ايتدبريله جك عناصر آرمسنده اوله بويه برعلاقه موجود اولوب اولمديني تدقيق و تتبع ايدر . بالاخره - شايد علاقه وارسه - او عنصرلري برلشديره رك برجسم مركب ميدانه كتييرر .

ازدواج مسئله سيله علاقه دار اوله جق ذواتك وظيفه سي ده عينيه بر كيميا كرك وظائفه مشاهددر .

اون آلتى ياشنده بر معصومه ني ثروته طمعاً آلتشلق بر آدمك آغوش باردنه تسليم ايمك قدر مدهش برجناتي ارتكابدن چكينه ين وليلر وظيفه شناس عد اولنه بيلورلرمي ؟ عجبا بوكي طمعكار حريفار كندى تهللريله جكر ياره لرني دوزخي برحياته محكوم ايتدكلريني ، بلكده بدبخت معصومه ني سفالت اخلاقيه چوقورلرينه سقوط ايدميه جك برموقعه القا ايتدكلريني - برآن ايجون اولسون - درخاطر ايدميه رك وجداناً معذب اولمزلرمي ؟

شخصي احتراصلرينك تأميني اولادلرينك فلاكتنده آرايان اخلاق دوشكونلرينه صدهزار لغت !

كفو مسئله سنه لايق اولديني درجه ده اهميت و برلنز ، معاسز كوره نكلر ، مناسبتمز

عنعنلر برطرف ایدلرزه آهنگدار ومسعود عائلهلر تشککنه هیچده انتظار ایتمیلدر . کنجلر مزه قادیناغک تراهی ، قادیناغک موقع بلندی حقنده اساسلی فکرلر ویرمک ، دین ، اخلاق واجتماعیات نقطه نظرندن قادینلره قارشی ایفاسنه مجبور اولدیغمز وظائف مقدسه اوکره تیلیمک لازم اولدینی کبی قیز مکتبلرنده هرجهتله مسعود برعائله تشکیلنه مدار اوله جق اساسلر تعلیم وتدریس ایدیلرک قیزلری دلنشین برآشیانه ، پیرایه دار بریووا ، غبطه بخش برعائله به رکن اساسی اوله جق بدرجه به اعلا ایتمکک چالیشمق اقتضا ایدر . قیزلرینک تعلیم وتربیه سنه لزومی درجه سنده اهمیت ویرمین پدرلر ، اولادلرینه وهیئت اجتماعیه قارشی عفو ایدلر اهانتده بولندقلرینی درخاطر ایتمیلدرلر .

حیات ملیمز اینچون بوکون جداً حائر اهمیت اولان (آور وپالی قیزلرله ازدواج) ایتمک فکرینک تعممی بویوکلریمزک نظر انتباهنی درت آچمیلدر . چونکه بوفکرری ترویج ایدنلرکک برنجی استناد ایتدکلری نقطه بزده قیزلرک تحصیل وتربیه دن محروم بولندقلری ادعاسی اولدینی کوریلدور .

بولزومه قناعت کتیرنلرک عددی کوندن کونه آرتقمده اولدینی جهتله قیز بابالرینک آرتق خواب کران لاقیدیدن اویانمهلری ایجاب ایدر . آوروپالی قادینلرله ازدواج ایتمک موداسنه قایلان کنجلریمزک بوحرکتلریله منافع ملیه یی نه درجه تخریب ایتمکده اولدقلرینی عجباً دوشونمورلرمی ؟

ازدواجدن مقصد مسعود برحیات کچیرمک ، وطنه نافع ومیلتنه صادق اوز اولادلر یتشدیرمک دکلیدر .

دینی ، عاداتی ، اخلاقی عنعناتی بزدن بوس بوتون فرقلی آوروپالی برقیزله ازدواج ایدیلدیکی تقدیرده عجباً بوغایملر تأمین ایدیله بیلیرمی ؟ یک چوق نمونه لر بزه بوخصوصده نفی ایله جواب ویرمیلیمک صلاحیتی بخش ایدیورلر . شرقده قادینلرک لایقیله تربیه وتحصیل کورمه ملری مسئولیتی عجباً قادینلر مزه می هانددر . قادیناغک اعلاسنه ، قیزلرک کندنی مقدساتمز دائره سنده جدی برتربیه ملیه آله بیلیمهلرینه چالیشمق ارککلریمزک عهده لرینه ترتب ایدن مقدس بروظیفه دکلیدر ؟

آوروپاده اولتمک احتیاجنی دویان کنجلر مز - که فضله برتحصیل کورمکله مفتخردرلر -

اودرجه خودانديش اوله جقارينه برآزده منافع مليه وسعادت قوميه يي دوشونمك فداكارلغنه قاتلانسلر درجه تنورلريني دها زياده اثبات ايتمش اولمزلمى ؟

شرق قادينلري تحصيلدن محروم ايمش ، برچوق قصورلى وارمش
بويرسورى مش مشلره قايله رق ، اولنرك ، آوروپلى قادينلرك بيكده برينه نصيب اولميان ؛
اوقدر علوى اودرجه نجيب مزينلري عجباً نچون اونودلوق ايسته نيليور ؟ . .

آوروپاده ازدواج موده سيله سرمست اولان شبان وطن ، باشلريني ثللى آره سنه
آله رق مسئله يي برآز جدى برآز دها شموللى يرصورتده دوشونميدرلر :

شرق قادينلرينك برچوق قصورلى وارسه - كه بوندن اساساً مسئول اولان
اركنكلريمزدر - اوكا مقابل برچوق فضائل عاليه ، برچوق مزايى نجيبه لريده واردر .
بونلري جف القلم انكار ايتك يك بيوك برحق سزلق اولور . كنجلريمز قانع اولمليدركه :
زاهت اخلاقيه ، صميميت روجيه ، وفداكارلىق كنج خصائل نيله يي آنجق كندى ملتيلرندن ،
كنديلرينك منسوب اولدقلى هيئت اجتماعيه دن برر عضواولان شرق قادينلرنده بوله بيليرلر .
نجابت عريقه ، اصالت قوميه سنى محافظه ايتك ايسته ين ، اجدادينك مقدساتنه مربوط
قالق آرزوسنده بولنان ملت پرور ركننج ، سعادت حقيقه يي كندى محيطى داخلنده ،
كندى آشيانه سى ايچنده آرامليدر .

كنجلكك خودانديش واحتراس آلود تمايلات مغفلا نه سنه قايله رق آوروپلى برقادينه
ازدواج ايتك هواسيله سرمست اولان شبان وطن ، محصول ازدواجك ملتى ، مقدسات
ارثيه سنى ييقمق حقنك كنديلرينه عائد اولمديغنى دوشونمكه مجبور دكلر ميدر .

مدلى :

م . شمس الدين

